



www.BibleForChildren.org



San Juan 14



'Kì makájno-nò. Kàtakjeiín-nò it'aà ts'e Nainá, tikoa
kàtakjeiín-nò it'aà ts'an. fJán ni'ya-la Na'èn-na tjin
jchán i'nde ñánda ma níkjáya. Tsà mì kixi kjoa nga
k'oas'ín tjin, mì-la tsà tà chjà k'oa xán-nò nga
tifikindaà-nò jngoò i'nde xi tsajòn.



Koni s'ín kjián nga kìndaà-nò ò'nde, k'oaá t̄is'ín kjoiaa
ijngoò k'a nga k̄jiko-nò, mé-ne ya ñánda kótijna, t̄ikoa
ya k̄itsajna-kò-ná.



'An-ná xi mì-ná Juan, xi 'ndsè xan-nò it'aà ts'e
Cristo. Nga yaá titsajnakoaá Cristo ngásòn
titsanìkjaán kjo'in, kò ngásòn ya

nokjoà-ná ñánda
tíhotíxoma Nainá kò



ngásòn
tíchíkjoako-ná
ngats'ìi kjoa.




'An nga 'én-la Nainá tìchjàya kọ tìbenojmí kixi-la
xita_it'aà ts'e Cristo, k'oaá komà-ne ján
kinìkasén-na ya nangui jìin-ndá ñánda

'mì Patmos.



Tà n̄it̄oón j'iì kanè ìjngoò k'a-na jè nga'ñó-la In̄ima
Tsjeè-la Nainá; k̄ijtseè jngoàà íxile xi tíjna ngajm̄i
ñánda tísatíxoma. Jé íxile jè, tíjna jngoò xi ya tíjnasòn.




Ngats'ìì xi xó kisindaà-ne xi tǐn ngajmìì, xi tǐn ì_ìt'aà
nangui kò ya_ìngui nangui, kò xi tǐn ìjììn ndáchikon,
ki'nchrè-la nga tsò: Jè xi tǐnasòn
ìxìlè kò Orrè, 'nga kàtìtsajna;
kàtayaxkón, jeya kàtìtsajna,
kàtas'e-la nga'ńó ñìtá mé
nàchrjein-ne.




Tikoá kijtseè jè naxandá tsjeè xi Jerusalén xitse 'mì,
nga tinchrobájen ngajmii nga nguixkon Nainá. K'oaá
s'in tijnandaà koni jngoò chjoón xi ndaà bíndaà yijo-la
nga jye kixan-ko x'in-la. Ki'nchrè-la 'én xi 'ño chja, xi
ngajmii inchrobà-ne, xi tsò: –Chítsejèn-là Ni'ya


Tsjeè-la
Nainá, jyeé
kòbitjojen;
Nainá yaá kíjnako
jña xita; xita
naxandá-laá koma,
nga jè sobà xi Nainá
kitso-la.



Jè àkjale tsakó jngoò-na xajngá nandá xi kijna tsjeè tsjeè, jè nandá xi bítsajnakon-ná nita mé nachrjein-ne. K'oas'in tsjeè kji koni chitsín. Yaá tíbitjo ñánda síjna íxile-la Nainá nga tíhotíxoma ko yaá tíbitjo ñánda tíjna jè Orrè.



Jè naxandá, mìkiì mochjeén-la jè ts'oi kọ sá nga
sìhiseèn-la. Nga jè sobà kjoa isén-la Nainá
sìhiseèn-la; kọ jè Orrè ma ni'ín-la.




Ya j'nde jè nimé kjoahas'en xi tjé
kjoan xi ch'o s'in ko xi kjoa ndiso.
Tà jñà kjoahas'en xi tjít'aà 'in-la
jè xojon-la Orrè xi ts'e
kjoabinachon.




–Jè sobà Nainá s̄ìxìjno yije ndáxk̄on;
mì t̄i k̄iì s'e-ne kjōabiyaà; mì t̄i k̄iì
s'e-ne kjōaba; mì t̄i k̄iì yá
sk̄indàya-ne; mì t̄i k̄iì s'e-ne
xi ijòjno ijòt'aà yijo-la, koi
kjō-la nga jye tsato
kjō jchínga.




Mì tì mé kjoa ch'o s'e-ne xi mìkiì sasén-la Nainá. Yaá sasíjna jè íxile-la Nainá kò ts'e Orrè nga kotìxoma. Kò ngats'ìi xita chí'nda-la, yaá sìixá-la. Ngats'ìi xi xita-la ma, skoexkon-né kó kji isén-la Nainá; kò jè 'ín-la Nainá yaá sít'aà itjòn tjen-la.



Kijtseè mik'en xi ixti kjoàn ko xi xita jchínga kjoàn, 'ncha kixi nguixkon Nainá. Ikjoàn kitáx'a jñà libro [ñánda tjí't'aà mé xi kis'iìn nga jngó jngó xita]; koa ijngoò libro kitáx'a ñánda tjí't'aà ts'e kjoabinachon. Jñà mik'en, k'oaá s'ín kisindaàjiìn-la koni s'ín tjí't'aà xojon ts'e libro, mé kjoa xi kis'iìn. Jè kjoabiyaà ko i'nde kjo'in kinìkatsjoòjiìn ñánda títi ni'ín jnga. Ko jñà mik'en xi mìkiì tjí't'aà 'ín-la jè libro ts'e kjoabinachon, tikoaá yaa kinìkatsjoòjiìn ñánda títi ni'ín jnga. Jè xi ma-ne jò kjoabiyaà.



Jè Inima Tsjeè-la Nainá kọ chjoón-la Orrè, tsò-né:
–Nchroboí [Na'èn Jesús]. Jñà xi nchi'nchré, k'oaá ti
kàtatsò: –Nchroboí [Na'èn Jesús]. Jñà xi xíndá-la kọ xi
mejèn-la nandá, kàtjanchrobá, kàt'iì kjoťjò nandá xi tsjá
kjoabinachon.



'Nainá 'ñó tsatoó kjòtsjakeè x̣itạ isò'nde
nga kitsjaà Ki'ndí-lạ xi tajngoò ma-ne,
mé-ne ngats'iì x̣itạ xi mokjeiín-lạ
_it'aà ts'e, mìkiì cḥija; s'eé-lạ
kjoabinachon n̄itạ
kjé-ne.



Romanos 3:23

nga ngàsòn ótsji jé-né; kjiìn títsajnat'aàxìn-la
Nainá ñánda nga jeya tíjna.

Romanos 6:23

Chjí xi tjín-la kjoa ts'e jé, kjoabiyaà-né. Tanga kjotjò xi tsjá
Nainá, kjoabinachon-né nita mé nachrjein-ne nga ya
titsajnakoá Cristo Jesús xi Na'èn-ná ma.

Hebreos 9:27

K'oaá s'ín tjín nga ngats'iì xita, ta jngoò k'a biyaà, ko iskan
kjoí jè nachrjein nga sindaàjiìn-la.



Efesios 2:8,9

Tà kjondaà-la Nainá-né nga itjokajñoò kjo'in nga kòkjeiín-nò it'aà ts'e Cristo. Mìtsà kjondaà tsajòn nchrobá-ne kjoa koi; ta kitsjaà kjotjò-nò Nainá. Mìtsà koi kjoa-la nga xá ki'nè, mé-nè nga nijngoò xita ndaà sùikíjna-ne yijo-la.

Romanos 10:9,10

Tsà ndsoboí kénójmí-ne nga Jesucristo, jè xi Na'èn-ná, koa tsà ko inima-lè kòkjeiín-lè nga Nainá kisìkjaáya-la it'aà ts'e kjoabiyaà, kijnandeií-né xi kjoa ts'e jé-lè. Nga kóo inima-ná mokjeiín-ná mé-ne nga kixi kitsajnaá nguixkon Nainá tikoá kóo ndsobaá bènojmiá nga Jesucristo, jè xi Na'èn-ná, mé-ne nga koma kitsajnandeií-ná xi kjoa ts'e jé-ná.



San Juan 3:16,17

'Nainá 'ñó tsatoó kjòtsjakeè x̣itạ_isò'nde nga kitsjaà Ki'ndí-la xi tajngoò ma-ne, mé-ne ngats'ìi x̣itạ xi mokjeiín-la_it'aà ts'e, mìkiì chija; s'eé-la kjoabinachon n̄itạ kjé-ne. Nainá mìtsà koi xá kisìkasén-ne Ki'ndí-la nga kjo'in koiìnè-la x̣itạ_isò'nde; koií xá kisìkasén-ne nga kochrjekàjiìn kjo'in x̣itạ kjoa ts'e jé-la.

1 Juan 5:11-13

Jè 'én xi kitsjaà Nainá, jè-né nga jè Nainá tsjá-ná kjoabinachon xi mì fehet'aà n̄itạ kjé-ne. Kò jè kjoabinachon jè, yaá sakó-ná_it'aà ts'e Ki'ndí-la. Jè x̣itạ xi Ki'ndí-la Nainá tíjnajiìn in̄ima-la, tjín-la kjoabinachon xi mìkiì fehet'aà n̄itạ kjé-ne; tanga jè x̣itạ xi mìtsà Ki'ndí-la Nainá tíjnajiìn in̄ima-la, tsjìn-la kjoabinachon. Jñò xi mokjeiín-nò_it'aà ts'e Ki'ndí-la Nainá, koií xá tikjiìn-nò Xojon jè mé-ne nga ndaà kàtasijiìn-nò nga jyeé tjín-nò kjoabinachon xi mìkiì fehet'aà n̄itạ kjé-ne.



San Juan 14; 2 Corintios 5; Apocalipsis 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Mazatec, San Jerónimo Tecóatl NT (maa) © 2012, Wycliffe
Bible Translators, Inc. All rights reserved.

<https://live.bible.is/bible/MAASJV/MAT/1>

©2025 Bible for Children, Inc.

www.M1914.org

www.bibleforchildren.org

